

NAMURCUM.

3. I

Neque ita pridem cœperunt effodi saxa illa ad ignem idonea (*Lithanthracas* nominare possumus de quibus *Soli fertilitas.*
diximus in precedenti Descriptione. Porro ditio illa omnis initio Dominum habuit titulo Marchionis: postea *Imperium majo.*
Dominum sapius mutavit. Marchio fuit *Philippus*, Frater Balduini Comitis Flandriæ Anno MCC Comes fuit *unus.*
Theodorus: cujus obitu tota ditio cecidit *Philippo Bono* Burgundiæ Duci, quemadmodum in Germaniæ Inferioris *Urbes.*
descriptione a nobis explicatum est. Vrbes in hoc Comitatu muro cinctæ sunt quatuor, *Namurcum*, *Bovine*, *Car-*
lomotium & *Valencourtium*. Pagi cxxci. *Namurcum* (*Namur*) urbs est primaria, cuius nomen unde ductum
sit, ignoratur: alii putant a *Nano* Deo Gentili, qui quum antea oracula fundere solitus esset, sub adventum
Christi Servatoris obmutuit. Ergo a *Nano* muto *Namurcum*: alii a Novo Muro illic Romanorum opera ex-
structo. Vrbs sita est inter duos Montes, in læva Mosæ ripa, qua Sambram recipit. Distat iix mill. Lovanio. x
Leodio & totidem Bruxellis. Dives est, & splendida publicis privatisque ædificiis, Arce etiam instructissima
bene munita. Quarto milliari a Namurco sunt *Bovine* (*Bouvines*) opidum exiguum, quod bellorū injuriis jam
aliquoties vastatum, postremum vero ab Henrico i. Galliæ Rege Anno cix. i. l. v. magna parte destructum
est. Id ex eo tempore Civium industria restitui & restaurari cœpit. *Carlomotium* (*Charlemont*) exstructum est a
Carolo v. Anno cix. i. l. v. adversus Gallos, qui tunc Marienburgo potiebantur. *Valencourtium* opidum mini-
me aspernandum Namurco. vi. milliarium intervallo distans. Flumina habet hæc regio piscosa: inter quæ pri-
mas obrinent *Mosa* & *sambra*: Fontes vivos & largos. Silvas non tantum ad delectationem, verum etiam ad
venationem aptissimas. Feris refertissimas. Multa sunt in hoc Comitatu Tempia, & Cænobia splendida Na-
murcensium Comitum sumptibus olim constructa & opimis honorata redditibus. Tertio Milliari a Namurco
dives est pagus *Audemæ*, in quo vetustissimum Monasterium Canonicarum nobiliū Fœminarum exstructum
institutumque a *Begga* filia Pepini veteris, a qua primum creduntur dictæ Vestales *Baggiæ*. Status Politicus
Comitatus Namurcensis tribus cōstat Membris, quæ sunt Ecclesiasticus Ordo, Nobilitas, Civitates præcipuæ.
In Ecclesiastico Ordine sunt Abbates *Flores*, *Granpre*, *Auden*, *Bones*, *Wassore*, *Hasheis*. Nobilitas *Done* Vicecomi-
tatus etc. Civitates præcipuæ *Namur*, *Bovine*, *Charlemont*, *Valencourt* sive *VValencourt*. In vrbe Namurcensi
sedes est Consilii Regii, a quo appellatio est ad Curiam Mechliniensem. Est & Sedes Episcopi, cuius Templum
cathedrale sacrum est S. Albino. Cives armis adsuæti sunt, Gallicus iis sermo, sed corruptus. Mercatores pauci
& opifices: Nobilium magna turba sed qui nothi sunt Illustrium Principum, vel è nothis oriundi.

Flumina.

Silva.

Opera publica.